

宋金元詩永

卷十二之十四


CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
MAR 15 1988

6

T0237.58/2322



6



宋金元詩永卷之十二目錄

金七言律

宇文虛中 一首

吳激 二首

張斛 二首

蔡松年 二首

蔡珪 一首

高士談 二首

馬定國 二首

朱自牧 三首

劉彧 二首

趙可 一首

劉汲 一首

郝俟 三首

張公藥 一首

邊元鼎 四首

哈佛大學漢和
圖書館珍藏印

王寂

一首

劉仲尹

一首

劉迎

七首

党懷英

一首

周昂

一首

趙颯

一首

路鐸

一首

楊雲翼

一首

史肅

三首

馮延登

一首

密璫

三首

馮璧

一首

劉從益

二首

王渥

一首

張建

一首

朱瀾

一首

王元節

一首

劉勳

一首

申萬全

一首

田紫芝

一首

王元粹

二首

高公振

一首

趙文昌

一首

龐漢

一首

步元舉

一首

馮文叔

一首

李著

一首

辛愿

一首

姚孝錫

一首

朱弁

二首

元好問

三首

麻革

三首

張宇

一首

陳賡

一首

陳庚

一首

房皞

二首

段克已 二首

曹之謙 三首

元七言律

陳孚 二首

劉因 二首

趙孟頫 五首

鄧文原 一首

宋无 十首

雅琥 一首

虞集 一首

張養浩 二首

歐陽玄 一首

耶律楚材 二首

余闕 一首

朱德潤 一首

馬治 一首

周砥 四首

張復亨 一首

唐棣 三首

釋德祥 一首

鄭韶 四首

陶宗儀 一首

翟榮智 一首

張遜 一首

李簡 一首

鄭元祐 一首

陳方 一首

劉炳 二首

陳基 四首

伯淵 一首

鄭東 一首

李元珪 二首

盧昭 一首

宋余元詩永卷之十二目錄終

宋金元詩永卷之十二

延陵吳 綺園次選

豫州宋 犖牧仲訂

濟陽 江 閻辰六 較

江 湘文江

金七言律

宇文虛中

重陽旅中偶記二十年前二詩因而有作

舊日重陽厭旅裝而今身世更悲涼愁添白髮先

春雪淚著黃花助晚霜客館病餘紅日短家山信
斷碧雲長故人不恨邨醪薄乘興能來共一觴

吳激

長安懷古

佳氣猶能想鬱蔥雲間雙闕峙蒼龍春風十里灞
陵樹曉月一聲長樂鍾小院花開紅漠漠曲江波
漲碧溶溶眼前疊嶂青如畫借問南山共幾峰

過南湖偶成

杏山松檜紫坡陀湖面無風亦自波綠鬢朱顏嗟

老矣落花啼鳥奈春何詩人未必皆憔悴世事從
來有折磨列坐流觴能幾日知誰對酒愛新鶯

張斛

訪香林老

風雨無時浪蹴天南浮舟楫信多艱半生夢破寒
江月萬里春回故國山歸客自傷青鬢改高僧長
共白雲閒誅茅借我溪西地未厭相從水石間

南京遇馬丈朝美

浮雲久與故山違茅棟如存尚可依行路相逢初

似夢舊游重到復疑非滄江萬里悲南渡白髮幾
人能北歸二十年前河上月尊前還共惜清輝

蔡松年

師還求歸鎮陽

春風卷甲有歡聲漸識天公欲諱兵節物無情新
歲換男兒易老壯心驚落身世網癡仍絕挂眼山
光計未成聞道恒陽似江國一官漫學阮東平

兵府得告將還鎮陽府推官王仲侯以書
足予命駕先寄此詩

老驥心疲十二閑天教洗眼小江山名園無處不
空酒勝日有朋方解顏老木溪光留月駐禪房竹
徑約花關先憑樂府求風骨或有佳人字玉環

蔡珪

登陶唐山寺

嶺外高槐驛路長嶺頭蕭寺俯朝陽定知絕頂有
佳處聊與瘦藤尋上方千里好風隨野色一軒空
翠聚山光道人底是憐行役不惜禪床坐午涼

高士談

庚戌元日

舊日屠蘇飲最先而今追想尚依然故人對酒且
千里春色驚心又一年習俗天涯同爆竹風光塞
外只寒煙殘年無復功名望志在蘇君二頃田

晚登遼海亭

登臨酒面灑清風竟日憑闌興未窮殘雪樓臺山
向背夕陽城郭水西東客情到處身如寄別恨他
時夢可通自歎不如華表鶴故鄉常在白雲中

馬定國

清平道中

棘林苦苣野花黃一馬駸駸渡灤陽別墅酒旗依
古柳點溪花片落新香伏波事業空歸漢都護田
園不記唐今日清明過寒食又將書劍客他鄉

送圖南

壺觴送客柳亭東回首三齊落照中老去厭陪新
客醉興來多與古人同戍樓藤角垂新綠山店檉
花落細紅他日詩名滿江海薺堂相見兩衰翁

朱自牧

病起書事

牢落衰年病轉侵，醫編藥裹廢閒吟。
臥銷白日塵凝履，起對青銅雪滿簪。
霜後癡蠅看老態，天邊倦鳥識歸心。
維摩不出文殊去，門巷蕭條翠蘚深。

郊行

緩轡尋春水一涯，最憐朝雨浥輕沙。
小溪烟重偏宜柳，平野雲垂不礙花。
青眼步兵元好酒，黑頭江令未還家。
興長不覺歸來晚，過盡城頭陣陣鴉。

和郭仲榮郡城秋望

城高野闊思何窮，人在西風一笛中。
樓影不搖溪水淨，春聲相答草山空。
海天引望能供碧，霜樹禁秋更倚紅。
回首客魂招不得，萼鱸歸興滿江東。

劉彧

春陰

似雨非晴意思淡，宿醒牽率泥重衾。
苦憐燕子寒相並，生怕梨花晚不禁。
薄薄簾幃欺欲透，悠悠歌管壓來沉。
南園北里狂無數，唯有芳菲識此心。

秋雨得雲字

一室蕭然半掩門
簷牙懸溜喜初聞
棲鴉不動寒
猥樹過鴈無聲冷
貼雲歷耳半隨風
浙瀝舞階仍
帶葉繽紛隔離爲
問東臯叟
麩麥前春定十分

趙可

來遠驛雪夕

使高麗時作

江上東風冷不禁
晚風翻手弄陰晴
春來天氣不全好
夜久雪花如許淡
煖老正思燕地玉
碎寒誰有魏臺金
空齋寂寞青綾被
學得東山擁鼻吟

劉汲

題西崑

卜築西崑最可人
青山爲屋水爲鄰
身將隱矣文何用
人不知之味更真
自古交游少同志
到頭聲利不關身
清泉便當如澗酒
澆盡胸中累劫塵

郝俱

郝吉甫蝸室

艸艸生涯付短椽
身隨到處卽安然
功名角上無多地
風月壺中自一天
世路久諧甘縮首
麴車才值便流涎
一生笑我林鳩拙
辛苦營巢二十年

寺樓晴望

詰曲闌干面翠微
蔥籠窗戶溢清暉
雨侵斜日明邊過
雲望山前缺處歸
多病過春猶止酒
薄寒向晚却添衣
宦名不負滄波願
羞見陂田白鳥飛

題五丈原武侯廟一首

籌筆功名事可哀
長星飛墮蜀山摧
三分豈是平生志
十倍寧論蓋世才
壞壁丹青仍白羽
斷碑文字只蒼苔
夜深老木風聲惡
尚想袞糾萬馬來

張公藥

二月

二月芳事何等好
南陌東城饒物華
春風無意管楊柳
晴日有心烘杏花
故山隨分可娛老
宦游到處聊爲家
夢歸草堂捲疎箔
幾點白鷗眠淺沙

邊元鼎

春花零落

春花零落鴈秋悲
已過流年二十期
有舌能忘坐羈辱
無金莫怪下機遲
世情冷熱雖予問
人事升沈未汝知
何日上方容請劍
會乘風雨斷鯨鯢

帝城

帝城回想夢魂中秋月春花在處同朱雀橋南三
月草鳳皇樓上四更風錦囊別後吟箋少玉笛閒
來酒盞空贏得當時舊標格九分憔悴入青銅

王文伯還家詩以迎之

陌上東風故國春瘦驂羸僕倦行塵十年一夢成
何事千首新詩不負人重對孤燈聽軟語遙隣華
髮各清貧西齋烟艸應如舊桃李新溪滿四鄰

新居

鏡裏巖花落澗泉對窗青壁便參天幾當雪月開
春酒時有松風入夜絃遠刷山田多種黍稀經城
市少言錢平生謾忽王公貴俯仰邨鄰更可憐

王寂

奉題少保張公曲阿別墅

鍾湖亭下水淙淙綠野平泉未易雙十里藕花紅
步障一軒松蔭碧油幢洛中獨樂有司馬天下不
名知曲江紙尾欲煩賢宅相雨蓑添我坐篷窗

劉仲尹

龍德宮

碧棋朱甍面面開翠雲稠疊鎖崔嵬連昌庭檻渾
栽竹罨畫谿山半是梅藻井香銷塵化網銅欄秋
澁雨留苔只應千古華清月狼藉春風媿露臺

劉迎

清明前十日作

雨餘天氣動朝寒寒食都來數日間羯鼓催開小
桃李画屏圍出好溪山塵埃老我真堪笑風物撩
人欲破慳梅雪已殘春過半一尊無處與公開

聞丘丈晚集慶壽作詩戲之

桃李欲開風雨多花時猶得屢經過緩聽一曲玉
連瑣滿汎十分金卷荷紅燭影紗聞喚馬翠羅承
韉見凌波杜陵老矣孤春事奈此詩愁惱亂何

別後有懷元濟

聞說風流靖長官宦游寥落廢清閒酒狂吞盡喙
三尺詩瘦聳成肩兩山世事君方厭蝸角生涯我
欲賦魚蠻脫身何日扁舟去相對一蓑烟雨間

和人七夕韻

今古良宵此會同
望窮雲物有無中
人間鈿合三山隔
天上靈槎一水通
鳩鵲樓空紈扇月
鴛央機冷苧羅風
不須更乞蛛絲巧
久矣人生百巧窮

自解

投紱歸來歲月過
清閒殊勝吏分窠
人思狡兔藏三窟
我願白鷗同一波
棋局何妨爛樵斧
印章終欲博漁簑
人間萬事俱塵土
醉倒尊前奈我何

次韻夜雨

海山句處是蓬瀛
節物催人意自驚
客裏厭逢今

舊雨夢餘愁聽短
長更故園頗覺歸
期緩老境難堪此
段清想得詩成正
蕭瑟竹窗燈火夜
微明

題仲山枝巢

鏡中青鬢雪霜皤
歲月從教落魄過
物理不容人太過
生涯休歎我無多
百年竟似蠅鑽紙
萬事終同鼠飲河
祇恐徐公宿緣在
東風時夢海棠窠

党懷英

龍池春興

三十餘年惜別心
重來獨興此登臨
佳人何在暮

雲合游子不歸春艸深曲檻凭闌花冪冪扁舟繫
岍柳陰陰避人白鳥忽驚去雙影飛翻明翠岑

周昂

香山

山林朝市兩茫然紅葉黃花自一川野水趁人如
有約長松閱世不知年千篇未暇償詩債一節聊
從結淨緣欲問安心心已了手書誰識是生前

趙

黃山道中

小穀城荒路屈蟠石根寒碧漲秋灣千章秀木黃
公廟一點飛雲白塢山好景落誰詩句裏蹇驢駝
我畫圖間膏肓泉石真吾事莫厭乘閒數往還

路

王子端挽辭

才名如此不償窮再入承明一病翁白髮光陰文
字裏黃花林麓畫圖中謫仙猶想屋梁月荆產空
懷松下風聊應世緣緣故在會看歸鶴語遼東

楊雲翼

謾興

乍寒簾幙一燈青從吏羈情爾許清葉擁西風秋
有思天垂北斗夜無聲吟蛩遶夢家千里過鴈連
愁月四更寄語黃華耐岑寂好看霜蕊到歸程

史肅

早出遵化

朝來對酒不能觴看盡西風去鳥行山好未忘三
日雅詩窮贏得一秋忙強顏紅葉自由舞野性黃
花無賴香多謝殷勤莫雲影更留淡墨寫谿光

復齋

居士年來一復齋馴庭鳥雀絕驚猜雨添窗下硯
池滿風揭床頭書卷開身似臥輪無伎倆心如明
鏡不塵埃紛紛寵辱人間世付與浮雲任去來

北澤

竹陰松影玉蔥籠十里平隄一徑通碧水乍開新
鏡面青山都是好屏風寒蟬高鳥清愁外折葦枯
荷小景中酒力未多秋興逸夕陽聊貸半林紅

馮延登

探春得波字

好雨新晴景氣和東坡冰盡水增波
茅茨影裏燕雙語桃李稍頭春幾何
霽靄未收芳陌潤斜陽偏
傍小樓多雕鞍畫轂方爭道更得留連藉綠莎

密
壽

思歸

四時唯覺漏聲長幾度吟殘蠟燭缸
驚夢故人風動竹催春羯鼓雨敲窗
新詩淡似鶯黃酒歸思濃如鴨綠江
遙想翠雲亭下水滿陂青草鶯鶯雙

得友人書

聞有書來喜欲狂紫芝眉宇久難忘
別離惟歎我頭白詩句屢成君馬黃
公幹羈栖猶洛下孔明高臥尚南陽
冷官領取閒中趣遠勝區區夢蟻忙

寓跡

寓跡山中記昔年西溪卜築欲終焉
飄零何在五株柳離亂難歸二頃田
漫叟未能忘野寺道人猶解識林泉
吾鄉已宅無何有一笑醢雞盡甕天

馮
壁

河山形勝圖

書劍丁年記昔游中條之麓過蒲州地形四控三
秦遠河勢南吞二華秋晉魏兵爭一春夢漢唐增
祀幾荒丘披圖弔古今人慨不必重登鶴雀樓

劉從益

次韻劉少宜

旅窗蝶夢曉驚回默數流年祇自哀與世迂跡甘
袖手及身強健且銜杯桐凋翠葉看看盡菊著黃
花旋旋開杖履南菴訪幽事秋光滿眼送詩來

酬李子遷

曾著朱衣侍冕旒忽乘羸馬出皇州青山有約攜
琴往白髮無成把鏡羞却笑張儀誇舌在不妨巢
父有詩留柳湖莎徑東南夢又見兒童迓細侯

王渥

寄京父

憶昔相從在寢丘城南城北縱歡游杏花聯句香
隨馬野水添杯浪拍舟邂逅又成三月別飄零合
負一春愁汝陽淮甸經行徧應有新詩爲我留

張建

荅華陰宋先覺

雲臺清進憶當年詩筆逢君厭老拳後會邈如千里遠壯懷不似十年前風帘搖曳橋南酒烟樹淇濛渭北天咫尺靈山飛不到夢魂長繞玉峰前

送王主簿還鄉

笑君習氣只書生薄有歸裝亦自清瘦僕擔詩雙籠重羸牛引軛一車輕長亭已過那知遠別酒猶多未忍傾記取明年斷腸處玉梨花底月三更

朱澗

寒食不出

地偏無客過吾廬寒食清明入燕居驥子捧甌仍臘茗孟光舉按只春蔬蠅沾香篆渾傷字蜂蹙瓶花半墮書習氣未除還自笑却將佳節付三餘

王元節

古鎮道中

秀拔諸峰鎮海墩海水氣兩昏昏鷗飛翠竹白沙地人宿黃魚紫蟹村向背雲山行處路淺濶潮

浦漲來痕同游幸有能詩客不倦躋攀到石門

劉勳

荅仲和

此身安處苦難尋常美歸鴉易滿林望遠真成廣
武歎得書空作洛生吟逢人放適邨邨酒感物悲
衰歲歲心想得濟南花正好抱城春水一篙深

申萬全

病中遣懷

浪走天涯歲月侵病中猶作越人吟野粟本自便

豐草倦鳥寧當念故林畫像功名元有命乞墻富
賢果何心幾時真脫塵囂累巖穴尋居不厭深

田紫芝

夜雨寄元敏之昆弟

醉夢蕭森蝶翅輕一燈無語夢邊明虛檐急雨三
江浪老木高風萬馬兵枕簟先秋失殘暑湖山徹
曉看新晴對床曾有詩來否爲問韋家好弟兄

亂後登凌雲臺

愁思紛紛不易裁凌雲臺上獨裴回亂鴉背著斜

陽去寒鴈帶將秋色來破屋無烟空碎瓦新墳經
雨已蒼苔天翻地覆親曾見信得昆明有劫灰

王元粹

壽李長源

匹馬短衣看此行看君誰信是書生聽詩未覺秦
川遠倚劍長懷晉水清一飯見哀韓信恥千金爲
壽魯連輕壯年休灑新亭淚且爲江山灌巨觥

萬里

萬里江山動楚吟異鄉風物長年心孤身轉覺乾

坤窄往事空驚歲月深木落高城初過鴈霜飛幽
館夜聞砧蹉跎未遂東游計醉後悲歌淚滿襟

高公振

裴氏西園

簿領沉迷倦不禁偶從名勝此幽尋竹陰疎處見
潭影人語定時聞鳥音陳迹謾留千古恨歡游聊
慰十年心多情一片梁園月送我垂鞭出上林

趙文昌

軍中寄新舊

軍中從事鬢絲垂把釣江湖與願違紅葉關河爲
客久黃花時節寄書歸霜天不盡孤雲遠秋意無
聊一雁飛鄉社故人應念我豈知南望更依依

龐漢

終南谿

冷雲低壓萬長楊十頃秋陰鎖北堂門外兵塵漲
秦楚水邊烟景似湖湘荷翻山雨僧窗晚竹汎溪
風客枕涼早晚初平遂真隱繞陂閒牧石頭羊

步元舉

下第過榆次

栖遲零落未歸人已坐無成更坐貧意氣敢論題
柱客晨昏多負倚門親囊空漸覺錢餘貫衣敝翻
饒蝨滿身遙望秦關獨惆悵一天風雨落花春

馮文叔

客舍

禿襟短褐破書囊十五年來客異鄉生事穿中搖
虎尾窮途天上轉羊腸三朝不遇馮唐老半夜悲
歌寧戚狂獨倚牛車望遼海西風塵土鬢蒼蒼

李 著

觀音院書閣

明巷蓬蒿一尺深
小軒岑寂似山林
鳥聲落枕有高下
山色閱人無古今
客裏三年侵老境
床頭一卷浣塵襟
晚涼癡坐忘言裏
滿地西風白玉簪

辛 愿

寄裕之

青雲一別阮家郎
甚欲題詩遠寄將
好句眼前常蹉過
佳人心上不曾忘
誰家秋月茅亭裏
何處春

風錦瑟芳昌谷
烟霞久寂莫歡游
還冑到三鄉

姚孝錫

睡起

生涯甘分寄咩桑
山色圍門水遶墻
困病久懲耽酒癖
愛閒猶有和詩忙
簷水滴砌春猶冷
野馬浮川日漸長
舊事老年多記憶
故園歸夢正悠颺

朱 弁

送春

風烟節物眼中稀
三月人猶戀褚衣
結就客愁雲

片段喚回鄉夢雨霏微小桃山下花初見弱柳沙
頭絮未飛把酒送春無別語羨君纔到便成歸

寒食感懷次韻吳英叔

疾風甚雨老難禁嶺外無餽誰解吟雙鬢客塵諳
世變兩眉鄉思儘愁侵榆錢何處迎新火杏粥頻
年紫此心落日高城魂易斷天臨牛斗五湖深

元好問

寄楊飛卿

客夢悠悠信轉蓬竹床高臥動晨鐘西風白髮三

千丈故國青山一萬重沙水有情留過鴈乾坤多
事泣秋蟲三間老屋知何處慚愧雲間陸士龍

會善寺

白塔沉沉插翠微魏家宮闕此餘基人生富貴有
遺恨世事廢興無了期勝槩只今歸鷺嶺烟花從
昔繞龍墀長松想是前朝物及見諸孫賦黍離

送輔之仲庸還大梁

驂騮爭道渺翩翩誰遣風塵失壯年四壁舊聞懸
磬室一囊今有賣書錢淋漓別酒青燈夜滅沒孤

帆落照邊想得還家過春半故都喬木滿蒼烟

麻革

晚步張鞏田間

地入荒蕪過客稀邨溪門巷莫山圍悠悠獨鳥穿
雲下策策寒鳥掠口飛人事百年梧葉老秋風萬
里稻花肥兵塵河朔逃歸路惆悵平沙送夕暉

過陝

萬古津茅據上游峭崿西去接秦頭悲風鼓角重
城幕落日關河百戰秋形勝古來須上策塵埃歲

晚只羈愁豺狼滿地荆榛合目斷中條是故丘

寄杜仲梁

塞上愁多雲易陰故人雖在鴈無音交情念子黃
金重世故稽人白髮深芳艸春風千里夢青燈夜
雨兩鄉心岱宗入眼東南秀悵望雲山淚滿襟

張宇

感懷

世路羊腸劇險艱天心應厭著儒冠老無子息休
心易貧有交親託事難文字售人真滯貨廉平養

已似閑官義經讀罷無人會庭竹蕭森夜月寒

陳廢

寒食祀墳回登臨晉西原廢寺

前朝廢寺枕山阿尚有摩雲窳塔波故國已非唐
日月老僧猶指晉山河年來筋力登臨倦亂後心
情感慨多石蘚荒碑碎文字他年更得幾摩挲

陳庚

荅楊煥然

梁苑當年記盛游亂離南北恨遲留且教紅袖歌

金縷莫對青山歎白頭人似贅皇遷蜀郡詩如子
美到夔州傳家況有玄文在應使童烏繼纂修

房皦

次前韻寄王升卿

谷口人家十二三家家窗戶得晴嵐千章雲木秀
而野一脉流泉清且甘徇俗到頭終是病耽書自
古不名貪作詩為問東溪友尊酒何時愜笑談

思隱

得箇黃牛學種田蓋間茅屋傍林泉情知老去無

多日且向閑中過幾年
詘道詘身俱是辱
愛詩愛酒總名仙
世間百物還須買
不信青山也要錢

段克已

中秋

萬籟聲沉暮靄收
長河瀉浪洗清秋
遙天千里淡如水
明月一輪光滿樓
隨意傾銀謀勝賞
誰家橫玉調新愁
可憐白髮蟾宮客
羞對嫦娥說舊游

和家弟誠之詩韻

欲歸誰不遣君歸
却恨歸來事事違
烽火未休家

信少山川良是故人稀
黃金入手還能散
白雪盈頭不肯飛
試問春愁都幾許
長江滾滾日暉暉

曹之謙

秋日懷李仁卿

獨倚斜陽百尺樓
故人千里思悠悠
陶唐祠下烟光晚
姑射峰前鴈影秋
尊酒幾時同李白
雲山多處是并州
臨風惆悵無人會
一曲商歌寫暮愁

上巳日感懷

舊游桃李浣丘塵
十六年悲客裏春
浮白可能澆

魏磊踏青聊且慰酸辛
蘭亭修禊人何在
庾信傷心賦
又新芳艸喚愁花
濺淚東風回首一霑巾

隱亭同麻知幾賦

零落栖遲復此游
一尊聊得散羈愁
天圍平野莽無際
水遶孤城閒不流
柳意漸回淮浦暖
鴈聲仍帶塞門秋
登高望遠令人起
欲買烟波無釣舟

元七言律

陳孚

平江

滄浪亭下望姑蘇
千尺飛橋接太湖
故里空傳吳稻蟹
寒祠猶記晉尊鱸
芙蓉夜月開天鏡
楊柳春風擁畫圖
爲問館娃歌舞處
鶯花還似昔年無

鄂渚晚眺

黃鶴樓前木葉黃
白雲飛盡岬茫茫
櫓聲搖月歸巫峽
燈影隨潮過漢陽
庾令有塵汗簡策
禰生無土蓋文章
闌干只有當年柳
留與行人記武昌

劉因

夜雨

宋金元詩集 卷十二
夢覺呼童問幾更未應先作案頭鳴山溪六月有
秋意夜靜滿城惟雨聲四海虛名此身媿百年浮
世寸心驚誰教簷溜如愁思欲斷還連直到明

晚眺

嚴姿濃淡似吾詩雲點青山學鬢絲老樹遺臺秋
最早斜陽流水鳥偏遲無人能解此時意如我曾
來前古誰本爲登臨解陶寫豈知搖落更堪悲

趙孟頫

和姚子敬秋懷

搔首風塵雙短鬢側身天地一儒冠中原人物思
王猛江左功名媿謝安首蓓高秋戎馬健江湖日
短白鷗寒金尊綠酒無錢共安得愁中却暫歡

聞擣衣

露下碧梧秋滿天砧聲不斷思綿綿北來風俗猶
存古南度衣冠不及前首蓓總肥宛駮鬢琵琶曾
泣漢嬋娟人間俯仰成今昔何待他年始惘然

谿上

谿上春風吹柳花谿頭春水淨泥沙白鷗自信無

機事玄鳥猶知有歲華錦纜牙檣非昨夢鳳笙龍
管是誰家令人苦憶東陵子擬問田園學種瓜

紀舊游

二月江南鶯亂飛百花千樹柳依依落紅無數迷
歌扇嫩綠多情妬舞衣金鴨焚香川上暝畫船攪
鼓月中歸如今寂莫東風裏把酒無言對夕暉

海子卽事

白水青林引興多紅裙翠黛奈愁何底從暮醉兼
朝醉聊復長歌夏短歌輕燕受風迎落絮老魚吹

浪動新荷餘杭溪上扁舟好何日歸休理釣簑

鄧文原

送白君舉

崑崙西日水東溟何處清風起獨醒遠道雲烟今
古樹行人朝暮短長亭艸鋪平野春如剪花落重
門畫自扁不有茅茨容嘯傲終南山色爲誰青

宋无

次友人春別

波流雲散碧天空魚鴈沉沉信不通楊柳昏黃晚

西月梨花明白夜東風秋千庭院人初下春半園
林酒正中背倚闌干思往事畫樓魂夢可會同

金陵送倪水西之江陵

楚江江上暮雲東萬里春波去意濃桃葉歌殘秣
陵酒梨花夢斷景陽鐘沅湘水落瓊瑤合巴蜀山
來錦繡重回鴈峰前見歸鴈相思何處再相逢

秣陵晚眺

天塹鴻流擁積沙石城虎踞謾雄誇山林青艸六
朝地巷陌烏衣百姓家紫蓋黃旗消王氣瓊枝璧

月弔庭花孤雲更作降旛勢目斷樓船日又斜

公子家

朱門當道擁高槐拂曉鳴騶散乳鴉紅叱撥驕矜
匝匝黑昆崙照解琵琶姬將銀蠟燒明月犬帶金
鈴臥落花不信銅駝荆棘裏百年前是五侯家

垂虹亭秋日遣興

滿袖玉皇香案煙綵霓背上俯晴川紅黃霜樹珊
瑚海黑白雲花玳瑁天玄圃空離樓十二丹墀罷
對字三千吟豪醉蘸吳江水寫與騎鯨李謫仙

春日野步書田家

翳日橙陰翠幄遮
葑圍高下奕枰斜
陂塘幾曲淡
淺水桃李一谿紅
白花頰尾自跳魚
放子綠頭相
並鴨眠沙春郊景物堪
圖寫輪與烟樵雨牧家

客燕雨懷

鄴門飛雨布袍泥
游子魂銷幾夢歸
賦有聲華羞
狗監淚無氣槩笑
牛衣客愁萬斛添
杯量春瘦三分減
帶圍不似江南煙
艇小柳花如雪
荻魚肥

春病起卽事

壯懷玉具劍空攜
老去金門獻賦遲
服藥身軀多
病日養花天氣半
陰時愁鄉庠稻
瑤琴嶽夢境寒
生翠被池春事幾
何公事急可憐
蝴蝶挂蛛絲

許山人家

桐君種藥隱蘅臬
竹祖生孫共養高
茶脚碧雲凝
午椀酒聲紅雨滴
春槽休糧貌古添
清瘦餌木身
輕長綠毛仙詔未
頒遲拔宅家資猶
戀一溪桃

荅無功歲暮見寄

豆楷灰動擁鑪天
品字煨殘骨
柵烟詩草病多刪

枕上眼花書久廢燈前老依蕭寺僧留宿相對蒲
團夜不眠筋力漸衰餘習在夢中去趁暗門船

雅琥

酬江夏友人見寄

四海元龍眼界空平生豪習竟誰雄
早知黔首成秦贅悔學娥眉入漢宮
曲水疎篁秋色裏小山叢桂月明中
故人歲晚能招隱便買扁舟向漢東

虞集

次韻朱本初訪李漑之學士不遇

城南城北暖塵飛伐木相求苦未歸
吟到碧桃還細雨行尋芳艸又斜暉
綠窗翠筆題詩徧斗帳沉香入袖微
共載小車勝馬上重游莫待曉紅稀

張養浩

齋居春暮

漂泊東君底處家落紅風捲赤城霞
半窓春夢子規月滿院客愁楊柳花
世事悠悠惟欠酒棠陰密密欲藏鴉
韶光九十須臾頃不是劉郎鬢易華

酌突泉

繞欄驚視重徘徊流水緣何自起堆三尺不消平
地雪四時常吼半空雷溪通滄海愁波盡怒撼秋
風恐岸摧每過塵懷爲瀟洒斜陽欲沒未能回

歐陽玄

至正壬午十一月十三日祭始遷祖墓于
防里村心是日春洲先生有古律四首紀
其事玄用韻奉答

與公俱乏濟時具舊日相思不得過南國寄書川
路永西樓剪燭雨聲多池邊黃鵠有人賦門外驪

駒先客歌但得第齋相伴處臨風遙想玉爲川

耶律楚材

和非熊韻

藹藹英聲鎮北州非熊人物本風流時逢佳客開
青眼久頌元戎尙黑頭已發豐城神劍出休嗟暗
室夜光投驅兵經畧關中了題遍長安舊酒樓

和趙庭玉子質韻

万里龍庭白草秋時時歸夢舊漁舟酌殘白酒難
成醉老盡黃花無限愁久識人心多厭政喜逢天

下已歸劉而今子入中州去莫惜寒梅寄隴頭

余闕

登太平寺次董憲副顏

蕭寺行春望下方城中雲物變淒涼野人籬落通
瀟口賈客帆檣出漢陽多難漸平堪對酒一樽未
盡更焚香憑將使者陽春曲消盡征人鬢上霜

朱德潤

送趙季文任湖州錄判

萬里奉親官署近萱堂春早燕呢喃桃花紅似郎

君馬楊柳青於從事衫茗水漁舟烟浩渺何山書
舍石巉巖莫思杜牧尋芳晚剩有新詩寄一緘

馬治

贈相公

向來俱是錢唐客世難還家各五年夢裏猿聲風
嫋嫋空中雀影雪翩翩詩瓢憶掛蓮峰樹茗碗曾
煎合澗泉相見南樓春已晚感時傷舊更悽然

周砥

五月廿日雨中飲南樓

何許開尊散旅愁，疎簾水簟水南樓。天邊遠岫一
黃鶻，雨裏垂楊雙白鷗。閑對故人思故國，不堪歸
夢阻歸舟。東行未見煙塵靜，腸斷高堂霍髮秋。

雨後

竹堂東偏之草亭，澗水繞榻風冷冷。碧梧鶯語嬌
似醉，玉餅荷花愁欲醒。可憐光景易流轉，無奈踪
跡尚漂零。瑤琴一彈爲君拚，日暮高山雲杳冥。

夏日同強二秀才過鑑公山房因游仁壽

精舍

尋僧直到梵王家，便汲山泉爲煮茶。阮藉從來無
禮法，湯休何用着袈裟。醉眠石閣聽風樹，步入松
雲掃磴花。與子歸時仍金轡，蕭條墓道夕陽斜。

寄楊文可

屋廬星散當山廓，門前小溪相與通。橘子壓樹千
頭綠，鯉魚跳波雙尾紅。空梁寒月拱夜鼠，傍壁燈
火鳴秋虫。故人亦在他鄉住，此時作客情思同。

張復亨

次章得一秋懷韻

橘樹楓林日夕佳，湖天不受片雲遮。
斷虹殘雨催歸鳥，古戍西風咽暮笳。
坐對青山愁往事，醉吟黃菊是誰家。
美人遙隔芙蓉水，閒立磯頭自浣沙。

唐棣

溪上秋居

白蘋洲上白鷗飛，欲學巖光築釣磯。
鴻雁無多秋水濶，溪山雖好故人稀。
懶鞭羸馬侵星出，且放孤舟入浪歸。
老去每懷鄉里樂，涼風吹滿芰荷衣。

春波小隱

鴛鴦湖上春水生，吳姬蕩槳春波平。
碧山隔樹遠莫見，白鳥近人渾不驚。
倚檻鉤簾閒把釣，停杯度曲醉吹笙。
舊時王謝風流在，却笑窮時阮步兵。

茗溪述懷

康莊道上謝輪蹄，只合歸來向此棲。
白鳥影邊漁艇小，青山堆裏酒樓低。
簾開野樹雲當戶，簷蘸春波屋枕溪。
今日水晶簾裏住，詩成不媿使君題。

釋德祥

過湖州

平生只想住湖州
僻性迂情可自由
一片水聲中
倚杖數重山色裏
行舟東林書卷貧
猶買西塞綸
竿老未收緩得歸
程近寒食杏花春
雨聽鳴鳩

鄉詔

和報復元秋興

大星出海芒角稀
新月隔林光景微
空山無眠雞
犬靜獨樹忽驚鳥
鵲飛已喜中朝下
優詔側葺南
國尙戎衣
釣竿早晚落吾手
日日放船來水扉

用楊鐵厓書畫船亭韻與玉山同賦

越來溪上暮潮過
飲馬橋頭春水波
出郭喜知塵
事少吹簫無奈月
明多花飛斷岸
衝歸燕柳蔭長
溝泥白鵝擬送一
鷗臨水榭扣絃同
奏竹枝歌
卜築喜過楊子宅
城居曲曲抱溪流
夕陽在波人
影亂秋水上簾竹
色幽載酒過門從
問字據床吹
簫不驚鷗月明後
夜稽山雪乘興還
能具小舟

寄范叔豹

江路霜寒木葉凋
憶君何處思迢迢
長年旅食同
秋雁故里風烟隔
莫潮甚欲寄書耐
遠別絕憐把

燭待清宵雙溪月色涼如水誰採瓊芳慰寂寥
次韻楊子壽同浦大守游顧園

辟疆園裏好花開路隔仙源一水迴春暖鳧鷖當
檻浴草青蝴蝶上衣來柘枝屢舞團團扇竹葉深
傾灑灑杯何事綠波生浩蕩回橋風急綵舟迴

陶宗儀

次韻夏士良戶侯

竹裏茅茨白板扉興來隨意臥牛衣天籠平野前
山遠水拍危橋過客稀釣罷得魚沽酒去雨餘種

荳荷鋤歸故人却在城南住日日清觴四座飛

翟榮智

十一月二十四日紹興作

秦望山頭雲氣生越王城下湖水平梅花欲放不
盡放雨色待晴還未晴銅馳金谷非故里青衫白
髮徒虛名可憐百年已過半空嗟萬古難爲情

張遜

無題

采恩涼月午陰移漠漠重簾怨阿螭竹泫啼紅猶

宋金元詩卷十一
卷十一
三
染淚蘇分織碧尙牽絲題封欲寄金條脫收子休
彈玉局棋惆悵章臺南畔柳何人折盡最長枝

李簡

秋興

黃落山川秋氣高一聲白雁過江皋西風芳篋收
團扇涼月重簾落剪刀倦志已孤紅叱撥牽情何
事紫檀槽吳霜易點青青鬢焚道當年記得牢

鄭元祐

次韻劉憲副春日湖上有感

湖水荒荒寒食天相逢猶話國初年江樓夜唱花
間集翠管春吹月下船玄圃自應畱富麗湘雲誰
爲惜清妍可憐頭白歸來日井邑淒涼生野烟

陳方

清閔閣

湘簾半卷雲當戶野雀一聲風滿林纔立簾紋波
細細又疑墻影雪陰陰竹搖葉几常開帙花落藜
床獨抱棊不謂世間仍得此恍然飛屨駐仙岑

劉炳

青樓曲

楚腰纖細錦纏頭秋怯珠簾半搭鈎雲戀陽臺雙
作夢月生湘浦獨成愁鸞梭折齒花粘髓螺粉染
睂柳帶羞雁過碧天書帛斷誤教人倚小紅樓

寄賈文彬巡檢

故人爲別動經春野渡維舟送夕曛銀燭照窓秋
聽雨角弓懸壁晚看雲山城旗影中流見草閣書
聲隔岸聞江漢茫茫多舊識猶能俎豆說將軍

陳基

秋日雜興

一夜西風木葉飛畫梁落月淡餘輝銀燈夜照還
家夢金剪秋裁寄遠衣霜信早隨新雁去素書淡
訝故人稀無因爲謝東曹掾鱸熟蓴香莫便歸

寄行上人

屏跡江湖懶曳裾縱觀物理愛逃虛清明已過百
花盡穀雨又逢三月初豈有拾遺耽句癖漫慚中
散絕交書只應爲結廬山伴蓮社相從意有餘

八月十三夜泛姚江城

畫船撾鼓唱回波，皓齒青蛾不用歌。
好月愛看輪未滿，清秋莫問夜如何。
明將織女機絲動，寒恐嫦娥白髮多。
天上清光應更足，羽衣安得共婆娑。

次韻葛可久冬至

一雨江城連十日，閉門忽忽客愁添。
年光欲盡那辭醉，雲物無憑莫漫占。
今古才名悲阮籍，東南詞賦老江淹。
梅花也復無聊賴，亭笑迎人故近簾。

郊 詔

題漁家壁

漫郎家住黃泗浦，閑看飛花坐北窓。
渡口青山高似屋，門前湖水直通江。
垂楊繫艇已千尺，春鯉上盤纔一雙。
野老相過無一事，白頭喜對酒盈缸。

鄭 東

九龍山懷友

風雨兩鄉難縮地，小窓時讀去年詩。
九龍何處雲深淺，一鴈不來人別離。
老樹引藤秋結子，黃燬窺果晝呼兒。
遙知句就無人解，月落山靈墮淚時。

李元珪

雨中夜宿瓜洲江浦

春陰江浦易黃昏
雨裏人家早閉門
歸鴈雲間知塞路
過帆沙觜帶潮痕
遙瞻北固青山郭
只隔南淮綠水村
野寺疎鐘到孤枕
閒愁清夜與誰論

秋暮夜宿望亭

茅屋泐堤密掩扉
官橋昏黑泊船稀
守關戍火明村塢
隔岸漁燈照石磯
寒木盡隨溪雨落
斷鴻猶趁野雲飛
蓬窓欹枕渾無寐
倦聽人家夜搗衣

盧昭

酬楊子固

我愛三山楊子固
能詩似是謝惠連
兩家通好只青眼
十年不來今白顛
故園春色烟塵際
清夜好懷風雨前
可耐明朝還欲別
楊花飛送渡江船

宋金元詩永卷之十一終

宋金元詩永卷之十三目錄

元七言律

薩都刺 十四首
盧琦 四首

貫雲石 一首
馬祖常 二首

王士熙 三首
貢奎 一首

成庭珪 十四首
丁復 二首

周權 一首
楊奐 一首

陳樵 三首
岑安卿 一首

黃鎮成 一首
吳景奎 二首

嚴士貞 一首

辛文房 一首

李考光 一首

李源道 一首

顧德輝 三首

張易 一首

梁曾 一首

宋本 一首

周應極 一首

吳當 一首

張雨 一首

馬臻志道 四首

廼賢 三首

郭奎 三首

袁桶 一首

張翥 二首

許有壬 一首

黃鎮成 二首

段天佑 一首

吳全節 一首

可溫雅琥 一首

泰不花 二首

徐秋雲 一首

李材 一首

倪瓚 七首

柯九思 一首

黃庚 三首

張昱 三首

王逢 一首

虞堪 一首

劉因 二首

姚燧 一首

牟巖 一首

鮮于樞 一首

趙孟頫 三首

楊載 一首

范梈 一首

鄧文原 一首

吳徵 一首

戴表元 二首

薛漢 三首

虞集 一首

黃元用 一首

王懋德 二首

黃子肅 二首

吳師道 一首

郭昂 一首

杜本 一首

王東 一首

陳復 一首

彭炳 二首

趙春洲 一首

張光弼 六首

杜清碧 一首

宋无 一首

張興 一首

仇近仁 一首

鄭元祐 七首

丁鶴年 二首

楊維貞 二首

黃潛 二首

戴良 一首

宋金元詩永卷之十三目錄終

宋金元詩永卷之十三

延陵吳 綺園次選

洪都吳于續繡崖訂

濟陽 江 團辰六 較

江 湘文江

元七言律

薩都刺

招隱首山分韻得生字

龍飛鳳隱知何處今日空餘黃鵠名千古江山圍

故國五更風雨入空城猿啼洞府暮雲合花落祠
堂春艸生何日結茅向青壁抱琴支石聽泉聲

再游崇禧寺

野人再到城南寺臨水芙蓉次第開新酒瓦盆青
映竹前題石壁綠封苔夕陽半嶺牛羊下秋色滿
天鴻雁來獨上新亭天地濶不須揮淚灑蓬萊

訪揭曼碩秘書

城中車馬多於雲載酒問字無一人碧桃花開光
豔豔硯池水暖波粼粼先生楷書白晝靜家童晝

紙烏絲勻落紅滿地送客去十年不見江南春

高郵城晚望

城上高樓城下湖城頭西角曉鳴鳴望中燈火明
還滅天際星河淡欲無隔水人家種楊柳帶霜鳧
雁起菰蒲短衣匹馬非吾事擬向烟波覓釣徒

次韻

江南三月踏殘芳白苧衣輕樹影涼曲巷銀燈先
馬去誰家翠袖隔簾香細歌金縷鳴牙板新酒檀
槽出玉漿卧病日長思往事買舟乘興過滄浪

京口夜坐

鐵甕城頭刻漏遲涼霜如雪撲簾飛雁聲隨地夢
回枕月色滿城人搗衣塞北將軍鬢索戰江南游
子苦思歸呼鷹腰箭從圍獵首宿秋深馬正肥

登金山雄跨亭

朱欄六曲倚高秋元氣茫茫日夜浮客去客來天
地老潮生潮落古今愁踈鍾水國前朝寺落日海
門何處舟更擬黃昏盡餘興却從燈火望揚州

偕廉公亮遊鍾山

十里松風吹酒醒馬頭雲氣碧峻嶒空山落葉疑
聞雨古塔疎林不見燈勝地難逢今日會舊遊却
憶向年曾使君五老峯前去應有新詩寄病僧

題揚州驛

銀燭高烧照不眠呼兒飲馬吸清泉寒砧萬戶月
如水塞雁一聲霜滿天金縷欵歌來枕上銀鉸索
酒到亭前明朝走馬燕山道贏得紅樓說少年

和馬昂夫雜詠賞心亭懷古

景陽宮井綠蕪深空有楊花暗御林一自朝雲歸

寺裏幾回明月到樓心陳臺露冷蛩聲苦楚水波
寒雁影沉白髮詞臣多感慨長歌對酒向誰斟

過孫閣

將軍一去繁華盡池館長年銷暮霞金谷東風只
芳艸綠窓晴日自楊花鶯兒別去空歌榭燕子歸
來無主家在氣東南已消歇景陽宮沼夕鳴蛙

遊竹林寺

野人一過竹林寺無數竹林生白烟江左玉龍埋
碧艸月明黃鶴下青田樹銜宿雨藏山鷓花落春

風老杜鵑何日來分雲半榻故人不用買山錢

送人之金陵

江城積雨開新霽行李蕭蕭去遠堦千古風光鬢
邊白六朝山色馬頭青秦淮月出湖初上蕭寺鐘
聲酒半醒莫唱當時後庭曲殿臺衰艸自飛螢

過姑熟懷陳行之教授

經過姑熟多佳趣卜築黃花老亦佳白髮故人田
負郭青驄遊子客爲家郡齋簷雨閑碁子官路山
風過棟花自笑欲歸歸未得裁詩相憶黑翻鴉

盧琦

中秋寓逕江張伯雅席上作

征衫一路拂輕埃袖得嵐光渡水來
月色不如今夜好客懷應爲故人開
香隨桂子雲間落夢逐潮聲海上迴
醉倚西風賦離別明年何處共銜杯

山行雜詠

拂拂輕風谷雨初綠楊堤上步紆徐
竹林生筍長過母巢燕撲蟲歸
哺雛雨散溪流平岸漲雲間巖樹倚
天孤憑誰喚起王摩詰寫入秋毫作畫圖

題全安庄

野寺尋真幽更幽僧知敬客喜來遊
疎鐘幾杵江山暮落雁一聲天地秋
野鳥有情憐我去林花濺浪爲誰愁
而今惆悵滄洲別不識重來有日不

過吳江

興隨流水共悠悠此地蘆花正滿洲
落日片帆千里暮西風長笛數聲秋
衣冠空帶英雄淚湖海難消浩蕩愁
吟罷欲尋沽酒處傍人遙指隔江樓

貫雲石

宋金元詩卷之三
秋江感

澄淨秋江一舸輕，不堪踪跡樂生平。
西風兩鬢山河在，落日滿船鴻雁聲。
村酒尚存黃閣醉，短檠猶照玉關情。
料應今夜懷鄉夢，殘葉蕭蕭月二更。

馬祖常

送客歸揚州

楊子江頭水拍天，人家種柳住江邊。
吳娃蕩槳潮生浦，楚客吹簫月滿船。
錦纜憶曾遊此地，瓊花開不似當年。
竹西池館多紅藥，日日題詩舞袖前。

送宋顯夫南歸

琵琶溝北識君初，藉甚才華二十餘。
欲賦兔園千孝邸，不因狗監進相如。
瀟湘路熟逢知己，韋杜天低望故居。
携笏歸來拜丘壠，南游莫戀武昌魚。

王士熙

送袁德平歸越

平湖如鏡靜秋波，禹穴西風捲綠蘿。
狂客有船都載酒，道人無字不籠鵝。
床頭書笏青雲近，窻下殘編白雪多。
燕市塵深拂衣去，海門何處問漁蓑。

寄武夷思學齋

武夷山色青於水君築高齋第幾峯北苑鶯啼春
煮茗西風鶴語夜巢松田家送酒芝香瀉道士留
書石髓封闢說牙籤三萬軸欲憑南鴈約相從

送朱真一在西山

官河新柳雪初融仙客歸舟背楚鴻鐵柱書閑山
似玉石樓人靜水如空煮茶榻畔延徐孺煖藥爐
邊覓葛洪天上雲多白鶴去子規何事怨東風

貢奎

得家書

睡起相思勞寸心捲簾無語立簷陰故人千里暮
雲合斜日半川紅樹深江雁忽傳秋後信隴梅應
待雪中尋天涯奔走成何事輸與寒意抱膝吟

成庭珪

題山居圖

石子坡頭松兩株水光嵐氣護幽居山翁被酒愛
騎馬溪友放船來捕魚秋色自隨黃葉老野懷常
共白雲舒何時卜築如圖畫竹下開軒更讀書

題王維賢所藏盛子昭畫雙松繫舟圖
雲門寺前風物幽布襪青鞋吾昔遊葫蘆盛酒待
明月舴艋載棹當上流長松並立幾千尺狂客一
別三十秋何當挂席過湖去東里艸堂姑少留

同張仲舉夜宿寒橋

柔櫓聲乾破寂寥青山磯下宿寒橋乾坤萬事雙
蓬鬢風雨孤舟半夜潮丹鳳不來秋已老玉人何
處水空遙幾時重醉秦淮酒細聽漁樵話六朝

題玉巖上人溪山野趣圖

流水淙淙石齒齒虛庭雲氣欲模糊白鷗溪上秋
多少黃葉山中徑有無十月雨深漁屋破三江風
急野航孤年來難覓幽居處空向晴窻看畫圖

送張明善歸武昌却移家入蜀

對酒悲歌淚滿衣楚天搖落又斜暉風塵萬里與
君別江海一舟何處歸老去且留吾舌在愁來長
惜壯心違臨岐不盡平生意沙苑無雲鶴自飛

送陳景川歸盱眙

第一山中風物舒我欲買田來卜居風林把酒聽

黃鳥雪港掛罾分白魚富貴不來吾老矣漁樵有
約子何如可能久作終焉計北海方脩薦鶚書

送楊士先歸長安

落魄麻衣不受塵黃金釋盡只清貧新豐市上酒
濯足韋曲城南花惱人豪傑謾嗤秦逐客漁樵能
話漢功臣清時未老丹心在姑把長竿釣渭濱

夜泊青蒲村

黃葉飄飄秋滿天數家茅屋更翛然村中老人不
識字溪上小兒能駕船薺菜登盤甘似蜜蘆花紉

被暖如綿此中長得無宵警春雨扶犁學種田

次李希顏述懷韻

八月邊聲艸木寒愁來短髮不勝冠諸公莫謂王
夷甫我輩終慙管幼安酒券如山空好客田毛何
日再輪官蘭陵溝上松無恙還有孤猿夜夜看

重遊虎丘寺

海湧峯頭行徑微芒鞋欲趁孤雲飛風高木客作
人語月出天王騎虎歸傑閣重樓遙隱見寒泉古
木相因依荒丘王氣豈消歇千將莫耶千載稀

二月十四日風雨孤坐秀州城西僧舍

秀州城西春事微二月苦雨行人稀江湖渺然不可渡風雨此時將安歸老來口腹胡爲累亂後人民今見非兼旬不得武林信倚杖南望孤雲飛

甲午除夜有懷孟景章

夜窓兒女笑燈前亂世安居又一年鄰甕且分藍尾酒客囊從換折腰錢凍消屋角篔簹雪寒厭爐頭梢柶烟安得重陪孟東海劇談終夜不成眠

至正二十一年春三月同孫大雅張孟膺

登虎丘訪居中禪師不遇留題

三月二日春增華泛舟也到王珣家山中碧泉是醞醪岩下綠草如袈裟荒墳無人見白虎新城有樹啼青鴉居中老禪不得會空索劍池同煮茶

吳中五日追念故友李時中李欽嗣有感而作

夢繞南崗北嶺雲一杯無計洒松筠世間我豈長貧者地下君爲不死人夜雨自荒張祐宅秋風誰障庾公塵于今友道俱凋喪落日江湖淚滿巾

宋金元詩集 卷十三
十一
丁復

送美上人歸臨川

白雲不生華蓋峯
青天淨倚碧芙蓉
上船不計日
多少到寺更行山
幾重木客試人騎
出虎淵靈求
法腕爲龍莫貪石
室跣趺穩徧長松門
薜荔封

九月一日遊昭亭

山色江光帶近郊
道傍楊柳舞寒條
半生九日黃
花酒多在西風白
下橋千里客遊仍
暮景異鄉人
事又今朝老來未
遣登臨懶盡醉東
家綠玉瓢

周權

次韻孟韶卿

知道龐公不出山
因爲訪鶴借山看
海棠開盡雨
方歇燕子來遲春
尙寒一塢烟霞隨
步履千峯紫
翠入憑欄掉頭巢
父成何事謾向珊
瑚拂釣竿

楊奐

長安感懷

此心直欲作東周
再到長安已白頭
往事無憑空
擊楫故人何處獨
登樓月搖銀海秦
陵夜露滴金

莖漢殿秋落日酒醒雙淚眼幾時清渭向西流

陳樵

南軒

澗底菖蒲綠滿叢雲根水竹傍梧桐人來遠地見
山碧月未冷時如日紅春水有聲通北澗晚花無
信誤東風人間不是高寒地那得春紅入夏中

紫薇巖

手種巖花對北峯花間無葉紫茸茸人行鳧雁不
到處家在鶯花第幾重綠水值陰還又碧青春着

樹却成紅紫霞漫入絲綸閣且伴山中白髮翁

霜巖石室

洞天無暑亦無寒淑氣芳風不出山掃葉僧歸雲
未濕賣花人去蝶先還滿庭脩竹下黃葉千歲古
松生綠烟盡道雪中依裸壤虛疑夏室是冰天

岑安卿

遊東山寺贈蔚東岡

東山景物吾州稀蓮宮璀璨浮春輝過湖人騎白
雪馬待客僧立青苔磯花邊舉杯酒一斗石上解

衣松十圍最愛東岡老禪伯夜窓爲我談玄機

黃鎮成

題灺江把釣圖

獨載輕舸過碧川一輪牽動楚江天
蘆邊有月還吹笛柳外無風不繫船
留火夜燃湘竹岸得魚朝送酒家錢
十年湖海真知画亦欲狂歌一扣舷

吳景奎

和韻春日

雨香雲淡燕泥融珂馬如行罨畫中
江上數峯浮

暖翠日邊繁杏倚春紅鶯花世界惟消酒
水榭簾櫳易受風陌上遊人皆倒載寧須拍手笑山公

春思

飛燕腰支掌上輕塵生羅襪步盈盈
鑰魚不寐春無賴笙雁頻移曲未成
歛黛低鬟初破睡吹花嗅藥獨含情
許身肯作王孫女頭白哀吟對馬卿

嚴士貞

春艸亭

金猊烟滿紫檀香徙倚危欄萬慮忘
夜雨池塘生

宋金元詩卷之三
細艸春風亭館暗垂楊王孫信斷家千里楚客魂
消天一方移向濂溪窓外看無邊意思自悠長

辛文房

蘓小小歌

東流水底西飛魚銜得錢塘紋錦書幾回錯認青
驄馬着處閑乘油壁車鸚鵡杯殘春樹暗葡萄衾
冷夜窓虛蓮子種成南北岸苦心相望欲何如

李考光

鑑湖

賀家湖裏見秋風放翁宅前東復東兩行雲樹忽
遠近十里荷花能白紅行人濯足銀河上越女梳
頭青鏡中我欲張帆上南斗扶桑碧海與天通

李源道

燕中懷古

荆鄉墓上艸離離郭隗臺邊對落暉戰國山川秋
氣壯中原豪傑曉星稀乾坤納納無人識南北年
年有雁飛說似蘆溝橋畔柳安排青眼送將歸

顧德輝

至正庚寅七月十一日雨過芙蓉始着數
花翡翠飛欄檻間漁童舉網得二尺鱸
于是與琦龍門于匡廬飲于漁莊樂甚
以解釣鱸魚有幾人分平聲韻賦詩得
人字

芙蓉始花秋水新小莊落日酒相親漁童樵青解
歌舞茶竈筆床隨主賓龍門山人碧玉塵會稽外
史白綸巾蓴羹鱸膾我所愛吟對西風懷遠人

和楊鐵崖唐宮詞

五色卿雲護帝城春風無處不關情小花靜院偷
吹笛淡月閒房背合箏鳳爪擘相封鈿合龍頭瀉
酒下瑤罌後宮學做金錢會香水蘭盆浴化生

賦玉山雅集圖

詩人得句題茆屋客子乘流泛小舸老眼看花起
春霧醉眠聽雨響秋濤弓盤按舞銀鵝墜水調聲
傳玉鳳槽與爾共傾千日酒呼童却換五雲袍

張易

送魯齋先生南歸

袞袞諸公入省闈先生承詔獨南歸道逢時否貧
何病老得身閑古亦稀行色一杯燕市酒春風三
月故山薇到家已及蠶生日布穀催耕隴麥肥

梁 曾

岳陽樓

樓前秋水健帆開樓上涼風舞袖迴萬里舟航通
鳥道四時雲雨護龍堆江山如此不一醉歲月幾
何能再來欲問老髯求鐵笛月中次上紫荆臺

米 本

大都雜詩

拋却漁竿滄海邊拂衣來看九重天西關九陌橋
如月綠影千門樹似烟南園佳人王幼玉中朝才
子杜樊川紫雲樓上如溫酒孤負春風二十年
繡錯繁華徧九衢上林辭賦漢西都朱門細婢金
條脫紫禁材官玉鹿盧萬里星辰開上界四朝冠
蓋翊皇圖東鄰白面生紈綺笑殺揚雄卧一區

周應極

宿李陵臺

曠野平蕪入壯懷，征鞍小駐李陵臺。
關河萬里秋風晚，霜月一天鴻雁來。
持節蘓卿真壯士，開邊漢武亦奇才。
千年懷古無窮意，且向郵亭酌酒盃。

吳當

潯陽舟中

百年頭上着烏紗，一日江邊踏釣槎。
病似相如空有賦，貧于杜甫更無家。
漁歌楚楚蕪葭月，樵笛村村躑躅花。
事業已隨兵燹盡，青門擬學邵平瓜。

張雨

自遣

一一花栽繞屋廬，半春多雨意何如。
緣詩太瘦終無補，與酒全交漸要疎。
硯席留香非長物，齋庖得笋是佳蔬。
鶴群呼喚同來飲，新綠濺濺已滿渠。

馬臻志道

春日寫望

遠水重疊限空明，淡拂生綃絕點塵。
半舸夕陽喧酒客，一樓寒色倚詩人。
早鶯懷舊隨時至，芳艸無情着處新。
却憶城中有貧者，杏花開盡不知春。

山居

人事喧喧任奕棋青山數畝是歸期分將藥艸鋤
雲種買得松杉趁雨移老去故人多入夢愁來閒
事總成詩芒屨布襪身猶健十里沙堤信杖藜

野外

野外蕭條景更佳牧童將犢卧晴沙白鷗長遶分
魚市紅杏深藏賣酒家倦向客程添懊惱老看春
事厭紛譁田翁也學青門隱料理荒畦自種瓜

秋日閑咏

西湖晴雨画图間坐倚闌干自解顏無酒誰供千
日醉有錢難買一生閒草衰春色來時路鶴宿秋
聲起處山橫笛吹殘天又晚釣舡燈火入蘆灣

廼賢

送楊待制出守閬州兼寄家兄

簪筆三年侍禁林分符還向蜀江潯暮雲盡處峩
嶺出春雪消時灌口深鈴閣雕盤香冉冉臺門畫
戟畫森森錦屏山下多遺蹟好覓城南老杜吟

春日次王元章韻

翠憶金車錦駱駝芙蓉繡褥載雙娥雨晴輦路塵
沙少風起春城柳絮多秉燭且留清夜飲倚欄猶
聽隔牆歌山翁此日心如夢斷江南雨一窠

次段吉甫助教春日懷江南韻

華底開尊待月圓羅衫半滾酒痕鮮一年湖上春
如夢二月江南水似天脩禊每懷王逸少聽歌却
憶李龜年卜隣擬住吳山下楊柳橋邊艤画舫

郭奎

秋興

月下清砧響夜闌征人不寐憶長安霧迷南國游
魂泣艸沒中原戰骨寒直望明河臨象闕誰霜零
露捧金盤十年關塞無家別仗策猶悲行路難

臘日

臘日三年爲異客今年霜雪未全饒風塵暗滿淮
南路霧雨寒生江上潮鄉夢有時逢骨肉此身何
處托漁樵共來吳楚交兵地烽火依稀似六朝

重憶西巖訪舊

題鳩聲中宿雨晴白雲閒傍馬頭生東隣茅屋新

烟起南澗石橋春水平野鳥見多還問姓山花開
盡不知名故人宅近青松下未到柴門已出迎

袁 楠

送華山隱者

黑髮祠官佩水蒼萬松深處響琳瑯黃柑有法能
爲酒紫朮無飢可代糧招鶴舞空山月冷檄龍吹
雨海風涼瑤池欲問長生訣碧澗研朱寫綠章

張 翥

鳳山

衰草寒烟老木風南朝佳氣落秋空壁來山鬼遮
秦使盤泣銅仙別漢宮壞埒尙傳祠乙鳥荒池曾
見射飛鴻騷人自古多荆思長在登臨感慨中

金陵武定橋晚眺

赤欄橋下暮潮空遠火疎鐘杳靄中星月半天分
落照斷雲千里附歸風嚴城鼓角秋聲壯故國山
川王氣終莫訝時來一長望越吟荆賦思無窮

許有壬

九日陪闔臺諸公登石頭城

一江環抱四山圍
酌節追歡剩費詩
雁影不移雲盡處
秋光都在雨晴時
當年玉樹人空歎
明日黃花蝶豈知
便駐高軒拚醉倒
絕勝無酒繞東籬

黃鎮成

寄雷隱上人

最憶高人住翠微
萬岳千岫雪消時
林階月在行香早
石屋雲多出定遲
棲樹有僧留聽法
看泉無客和題詩
松闕不瑣容相扣
定覓春山食紫芝

秋風

秋風淅淅生庭柯
蕭蕭木落洞庭波
紅樹夕陽蟬噪急
白蘋秋水雁來多
王孫不歸怨芳艸
山鬼欲啼牽女蘿
蒹葭蒼蒼白露下
望美人兮將奈何

段天佑

送妓入道

歌舞當年第一流
洗粧今日別青樓
便從南嶽夫人去
宥爲蘓州刺史留
琳館月明簫鳳下
鎖窓花老鏡鸞收
却憐愁絕潯陽婦
嫁得商人已白頭

吳全節

送虞伯生使蜀

送別應思舊所經秦川花柳短長亭三峯高拊仙
人掌萬里先占使者星錦水東流江月白潼關西
去蜀山青當年不盡登臨意待爾重鐫劔閣銘

可溫雅號

洛神

鄴宮檐瓦似鴛鴦飄蘭渚鳴鑿去國遙謾說君王留
寶枕不聞仙子和瓊簫驚鴻易沒青天月沈鯉難
憑碧海潮腸斷洛川東去水野烟汀草共蕭蕭

秦不花

春日次朱顯夫韻

帝城三月多春色南陌風光画不如躑躅花深啼
杜宇鷓鴣灘暖聚王餘玉樓似是秦宮宅金水元
非鄭國渠處處笙歌移白日楊雄空讀五車書

鞦韆詞

芙蓉宮額半塗黃雙送秋千過畫牆簾底燕驚花
雨亂樹頭蜂繞襖塵香巧將新月添眉黛閒倩東
風響珮璫歸去綠窓和困睡慙憑春夢到遼陽

徐秋雲

漢武帝

萬戶千門禁漏遲
建章花發錦成幃
瑤池有信青鸞至
金屋無人白燕飛
風起輪臺春寂寂
露零仙掌月輝輝
樓前蕭鼓繁華夢
汾上年年只鴈歸

李材

都門春日

紫陌香塵逐玉珂
彤樓花暗弄雲和
光風已轉瀛洲草
細雨微生太液波
月榭管絃鳴曙早
水亭簾

幙受寒多少
少年易感傷春思
喚取青娥對酒歌

倪瓚

思歸

久客懷歸思惘然
松間茅屋女蘿牽
三杯桃李春風酒
一榻菰蒲夜雨船
鴻跡無端迷雪渚
鶴情何日返芝田
他鄉空有還鄉夢
綠樹年年叫杜鵑

三月一日自松陵過華亭

竹西鶯語太丁寧
斜日山光澹翠屏
春與繁花俱欲謝
愁如中酒不能醒
鷗明野水孤帆影
鶻沒長

天遠樹青舟楫何堪更留滯更窮幽賞過華亭

北里

舍北舍南來往少自無人覓野夫家鳩鳴桑土還
催種人語烟中始焙茶池水雲籠芳草氣井床露
淨碧桐花練衣挂石生幽夢睡起行吟到日斜

春日

閉門積雨生幽草欲惜櫻桃爛熳開春淺不知寒
食近水深惟見白鷗來卽看楊柳侵磯石已有飛
花拂酒杯今日新晴見山色還須拄杖踏青苔

寄張貞居

不但入城踪跡少南隣野老見猶希狂歌鳴鳳聊
自慰舊學屠龍良已非蒼蘚渾封麕鹿徑白雲新
補薜蘿衣羊君筆札誰能寄欲讀靈文一扣扉

次鄒九成見寄

郭外青山舊結廬微茫野徑望中無餘生竟抱烟
霞癖好事猶傳海岳書夜壁松風懸雅樂秋池流
水酌商觚倘從世外求玄賞好趁輕舟看浴鳧

馬氏東臯軒

未羨勲名馬伏波少游鄉里樂婆娑輕舟陌上山
堪數細雨籬邊菊未莎浩蕩五湖鷗夢遠蕭寥萬
里鷓情多空庭時有幽人宿月燭高懷幔綠蘿

柯九思

送陳玉林南還

龍去亭空思惘然道人和淚話當年珠宮錫號開
三島金榜承恩自九天花落御床霑宿霧苔生輦
路濕蒼烟春來怕渡秦淮水處處青林叫杜鵑

黃庚

脩竹宴客東園

二月韶光潑眼濃携樽宴客小亭東酒當半醉半
醒處春在輕寒輕暖中拂檻柳添吟鬢綠壓闌花
妬舞衣紅晚來聽唱梁州曲聲繞吳姬扇底風

小酌

小酌園林酒半醺落紅影裏惜餘春插花歸去蜂
隨帽傍柳行來鶯避人白髮尙爲千里客黃金難
鑄百年身何時歸賦滄浪水浣我征衣萬斛塵

月夜登樓

玉宇澄清暮靄收，吟邊怕倚仲宣樓。寒蟾千里夜
如畫，新雁一聲天。欲秋湖海，誰青豪傑，眼風霜易
白。少年頭更殘，忽聽荒城角吹老。梅花揔是愁。

張翥

睡覺

滿院楊花風力輕，牡丹時節好晴明。簾垂不知白
日晚，睡覺忽聞黃鳥鳴。萬斛春光金盞酒，百年心
事玉人箏。劉伶未到忘形處，枉自閑將畚鍤行。

次林叔大都事韻

春來長是誤佳期，鳩鳥雄鳩不可私。錯認櫻桃懸
蟾子，悔將衫袖染鵝兒。燒殘蠟燭渾成淚，折斷蓮
莖却是絲。辜負綠窓開歲月，只教楊柳妬腰肢。
何處銀鞍白鼻駒，忘將錦瑟數年華。渡頭水急憐
桃葉，陌上春狂信柳花。那得芳心到鸚鵡，泣將殘
淚付琵琶。一身已自成惆悵，况似平陽十萬家。

贈沈生還江州

鄉心正爾怯高樓，况復樓中賦遠遊。客裏登臨俱
是感，人間送別不宓秋。風前落葉隨車滿，日下浮

宋金元詩卷十三
雲共水流知汝琵琶亭畔去白頭司馬憶江洲

王逢

簡陳韋羗員外

幕府深嚴午漏遲
筆文簾影碧參差
摠傳白馬陳從事
每念青袍杜拾遺
大地風塵憂未解
扁舟江海去無期
涼天雁叫芙蓉發
許奏軍中鼓吹辭

虞堪

寄馬民立在越上并簡孟季成

半生書劍各飄零
千里相思望宵冥
春水鷗邊吳

樹綠夕陽馬上越
山青依劉已是同
王粲適何由似管寧
故舊見君還問我
釣船只說寄烟汀

劉因

西湖

水竇深藏十畝烟
賣書直欲買漁舡
數椽破屋已自足
四海虛名良可憐
醉後不知清露下
興來擬共白鷗眠
瀟溪澗有當年志
老去而今只愛蓮

會飲北山

相逢相飲莫相違
往事紛紛何足悲
別後幾經滄

海淺歸來豈止昔人非此山變滅終如我後會登
臨知與誰今古區區等如此不須辛苦歎斜暉

姚燧

癸丑九日

去歲若山孤棹遊如今盡室石城州明年白髮桑
榆日何地青山萸菊秋客氣已爲強弩末宦情空
遶大刀頭果成問舍求田策未讓元龍百尺樓

牟巖

和趙君實宣慰

平生知我一李及別後牢關白版扉偶有客來孤
鶴起也無人覺小舟歸從教俗子頻相惱只恐仙
禽未肯飛莫恠近來書問絕醉眠林下雨忘機

鮮于樞

遊智者寺

四圍松是祇園樹三面山開舍衛城遊子心隨仙
境化老禪詩似石根清幾人邂逅有今日半載趨
趨成此行安得盡拋身外事長年來此學無生

趙孟頫

和子敬秋懷

落日孤城動鼓鼙，愁中畫角不勝吹。
山川瀟灑秋雲淨，草木凋傷暮雨悲。
多病馬卿聊暇日，數竒李廣不逢時。
卷簾白水青山裏，隱几無言有所思。

次章得一韻

片片飛花欲送春，萋萋芳草正愁人。
黃蜂釀蜜經營急，紫燕銜泥來去頻。
才似茂陵非晚達，美如曲逆不長貧。
久知求富多無益，但覺論詩若有神。

繼鄭鵬南書懷

豈不懷歸苦未閒，宦情羈思不成歡。
可能治郡如龔遂，只合臨流似謝安。
碁局懶從先處著，醫方留取用時看。
夜來夢到茗溪上，一枕清風五月寒。

楊載

送薛玄卿

金門詔下羽人歸，欲向山中采蕨薇。
琥珀懸厓松樹老，琅玕倚澗竹根稀。
高岩蓄雨星辰濕，古石藏雲逕路微。
養性可無軒冕累，遊塵元不汗仙衣。

范梈

獨立

能詩不得靜中師又是天涯獨立時
高市夕陽天影散曲河新水擢聲遲
一身慷慨家聲遠十口淒涼歲荐飢
偶爾凭闌感風物臨流先被白鷗知

鄧文原

送人遊天台

此去蘭亭修禊後平明駟馬試征衣
海邊山盡天無盡花底春歸人未歸
一雨潮生魚入市千岩月上鶴投扉
舊遊二十年前路孤負東風賦采薇

吳徵

泗河

泗堤四望盡平原叢葦荒茅十室烟
淮北更無生草地江南已是落花天
陰風洶洶浮孤艇春雨濛濛一川
只有漁翁猶世業長簑短笠淺灘前

戴表元

送同年潘昌朝

客路秋深又送迎狂歌爛飲慰飄零
風前數髮莖莖白馬上看山段段青
古穴無丹生洞氣高林有

鶴避潮腥明年更欲三茅去擬借新牋道德經
送百上人并簡善之

聞說西湖已自憐君遊更傍早春天六橋水煖初
楊柳三竺春深未杜鵑舊壁草生尋舊刻新岩茶
熟試新泉城中詩友曾相識西蜀殘儒解草玄

薛漢

和馬伯庸御史效義山無題

良人執戟侍明光誰與金爐共夕香粧鏡曉寒凝
蝶粉舞衣春煖卸鶯黃渡江桃葉應憐我照水荷

花似見郎太息蹇修無復理空思揜手爲縫裳

又

乘槎準擬逐秋潮却訪成都萬里橋滄海有山皆
縹緲青雲無路不迢遙閑居潘岳驚斑鬢歸去陶
潛懶折腰後夜相期明月上露臺高處弄笙簫

睡起

卷簾春色上苔衣新水相看近竹扉風動樹枝鳴
宿鳥雲收山崦放晴暉舉杯竹葉歸愁去欹枕楊
花約夢飛腸斷碧苔溪上路暖風晴日釣魚磯

虞集

送張伯雨入茅山

獨棹扁舟入白蘋
隱君舊宅好栖真
囊盛肘後存丹訣
書到人間稱道民
未覺白雲留住晚
也知蒼朮寄來頻
手栽松上騎黃鶴
當是華陽第幾人

黃元用

次馬伯庸韻二首

選一

灤水橋邊御道西
酒旗閑挂暮簷低
春從綠樹陰中老
雲補青山闕處齊
畫戟遙臨青瑣闥
紫駟解

惜錦障泥鸞鳳自爲明
時出空傍上林高處栖

王懋德

元宵

春入東郊雪漸融
熙熙天氣報年豐
萬家燈火分明月
幾處笙歌雜暖風
短髮已無丹可黑
衰顏猶有酒能紅
溪山容我閑來往
先具扁舟訪釣翁

舟次陵州

獨坐渾如面壁禪
更無餘事惱心天
舟中唯載烹茶具
囊內猶存買酒錢
秋水經霜魚自樂
曉林留

月鵲堪憐人生何必東山卧老我烟霞屋數椽

黃子肅

雪夜直宿玉堂

琪樹花生禁漏遲金莖月色近書闌白雲入水春
無跡銀漢橫空夜有輝竹靜似聞蒼玉佩松寒欲
傾綠荷衣乾坤清氣蓬萊表獨對天風拂素徽

丁丑三月七日會同年于城南十期工部

仲禮省郎世文編修文遠照磨學升縣尹

子威主事克成秘書至能照磨子通編修

凡十人

川鳧浴日金粼粼垂楊馬嘶三月春遊蜂舞蝶摠
愛客飛絮落花時近人東風吹水入銀甕芳草爲
我鋪綠茵更催朝露染魏紫舞袖一拂南山塵

吳師道

柬王文學

有客空齋歎不歸鄉心二月亂於絲杏花深巷春
風夢茅屋荒田夜雨詩天氣未佳空且任人生行
樂竟何時乞君安得千壺酒爛飲狂歌慰別離

郭昂

偶感

滿眼黃塵興已闌
閉門高卧且加餐
一燈兒女團
鬪易千古風雲際
會難簷外日暄捫
虱坐庭前月
出舉杯看翠藤
儘着叅天長
不與孤松並歲寒

杜本

用仲弘韻贈相士

武夷九曲好清流
且棹扁舟試一遊
高挽藤蘿捫
翠壁縵穿竹樹間
丹丘黃金徒貴誰
求馬白石空

歌自飯牛盛世鳳麟如要識
莫耽幽討更遲留

王東

同鎮陽李先輩登臨川擬峴臺

楚塞蕭條客復來
已無秋渚藕花開
西風曠野孤
城出落日空江白
浪迴山似襄陽非
故國地連吳
會有高臺南遊萬里
頻迴首潦倒徒傷
賈傅才

陳復

宿州作其五

涉先釗項發戎機
九死何慙一布衣
王楚竟伸鴻

鵠志亡秦終挫虎狼威于今氓肆無遷徙自古英雄有是非草岸荒城埋舊牖空餘燕雀遶祠飛

彭炳

武夷宮

仙人緱縹踏春鴻月落青峯第幾重琪樹雪中巢一鶴石壇秋後蟄雙龍古時有冢埋黃帝今日無人見赤松獨愧曾孫幔亭上翠華同醉玉芙蓉

何夢桂

短髮凌霜強自搔可能書劍更徒勞春秋已降功

名薄秦漢而來智術高天外寸心孤馬影人間萬事九牛毛却怜刺股徒辛苦狐貉何曾耻緼袍

趙春洲

感事

美人休唱渭城歌芳草依依自碧波可與共言今則少不如意事古來多青天皓月元無礙白日黃塵欲柰何却笑江湖釣鰲手十年留滯負漁蓑

張光弼

西湖

宋金元詩集 卷三
此日誰人肯在家傾城滿意事繁華時非上巳不
爲節春到牡丹才是花髻霧鬢雲湖上女畫輪綉
鞞道傍車兒童盡唱銅鞮曲未見人間日易斜

西湖

樓外湖光白渺茫樓中少婦試新粧行年將近半
百歲大醉豈能千萬場翠織舞裙飛蛺蝶白描歌
扇睡鴛鴦垂楊滿院無人到芍藥花開日正長
畫船湖上載春行日日花香扇底生蘓小樓前看
洗馬水仙祠下坐聞鶯碧桃紅杏渾相識紫燕黃

蜂俱有情惆悵繁華成逝水盡歸江海作潮聲
倩得名姬唱慢歌梁塵直欲下輕波西風八月菱
荷老落日滿湖鳧雁多到手莫辭雙盞飲轉頭又
是一年過光陰只在槐柯上奈此浮生樂事何
湖上新泥雪漸融門前溝水暗相通裙欺萱草輕
盈綠粉學櫻桃淺淡紅暮雨欲來銀燭上春寒猶
在酒杯中青綾被薄不成夢又是一番花信風
樓前芳樹碧盈盈付與幽禽自在鳴堤上馬馱紅
粉過湖中人載酒船行日長燕子語偏好風暖楊

花體更輕何限才情被花惱獨教書記得狂名

杜清碧

寄仲弘

老來自愛黃叔度少日真期魯仲連高卧獨無田
二頃曳裾誰有客三千滄波渺渺浮鷗鳥白日翩
翩換歲年却憶江東楊少尹劇談終夜不成眠

宋 无

無題

粧淺顰深凭綺疏小郎新拜執金吾絃中言語分

明怨裊上腰肢準擬扶翠履鴛寒慵鬪草紅牙馬
爰罷樗蒲無人商畧心頭事私向花間卜紫姑

張 興

西冷橋

紅藕花深逸興饒一雙鴻鵠避鳴橈曉風涼入桃
花扇臘酒香分椰子瓢狂客醉歌明月上美人歌
斷綠雲消數聲漁笛知何處疑在西冷第一橋

仇近仁

卜居白龜池作

一奘一鶴小生涯陋巷深居幾歲華爲愛西湖來
卜隱却憐春塋又移家荒城雨滑難騎馬近市天
明已賣花阿母抱孫悶指點疎林盡處是栖霞

鄭元祐

次韻顧仁夫得代

君房未歷金華省潘岳猶居散騎營秋水紅蓮能
自採春愁白髮爲誰生夢驚里閭三年別歸載圖
書一舸輕野老淒涼遲吾去更誰虛左日相迎

遊靈巖涵空閣

吳王宮闕草萋萋飛閣重登意轉迷洗硯池邊雲
欲暝拜郊臺上日平西湖涵遠浪千帆沒樹響悲
風一鶴栖江海鷗夷招不返荒烟野水鷓鴣啼

送林道士歸溫

雁宕行雲生翠微東還行李正駢駢松矜日老當
秋發鶴養雛成待客歸珠斗影寒滿玉瓏綉雲香
積紫烟衣懸知夜禮虛皇罷宴坐朝元意不違

春日湖上有感

潮落空城誰重過猶餘里耳聽鳴珂襄陽耆舊知

誰在江左風流不厭多自見石麟眠枳棘長聞蜀
魄叫松蘿野梅開盡西湖雪萬斛春愁奈爾何

元宵懷錢塘

武帝親迎太乙神流光絢煜動星辰行宮典禮猶
存漢軹道山河已易秦香逕至今啼木客露盤無
淚泣金人紅燈幾點東風裏猶是元宵一度春

楊鉄崖新亭

草玄心苦思如何艤岸輕舟不動波聽雨夜蓬燒
燭短截雲湘竹弄愁多賦成猶夢橫江鶴書罷應

籠汎渚鵝想見後堂涼月白彭宣腸斷雪兒歌

贈張景亮仕回

投老何曾畏簡書青山元不負吾廬魚須久疊牀
頭笏馬軌新懸屋角車翠被春寒聽雨睡白頭日
午趁風梳好官付與諸郎做千古封留意有餘

丁鶴年

故宮人

粉愁香怨不勝情強整殘粧對老兵別殿金蓮餘
故步後庭玉樹變新聲眼穿鴈字雲連塞夢斷羊

車月滿城天上桃開王母去世人誰識許飛瓊
奉寄王宣慰兼呈九靈先生

別館新成足宴遊珊珊環珮總名流獨推南郭爲
高士共識東陵是故侯天上鷲花三月夢人間風
雨五更愁行藏盡付浮雲外爛醉豐年黍稌秋

楊維貞

無題效商隱體

王家院落近連昌燕子歸來舊杏梁金埒近收青
海駿錦籠初教雪衣娘卷衣甲帳春容曉吹笛西

樓月色涼今夜阿鴻新進劇黃金小帶荔枝裝

嬉春體

西子湖頭春色濃望湖樓下水連空柳條千樹僧
眼碧桃花一株人面紅天氣渾如曲江節野客正
是杜陵翁得錢沽酒勿復較如此好懷誰與同

黃潛

送人歸豫章

已覺棲遲懶曳裾可能爲我強躊躇一帆秋色紅
塵外千里江關白鴈初建業水清誰共飲潯陽潮

斷定無書黃金未盡朱顏在莫種桃花學隱居

花信

已覺尋芳去較遲千林紅紫想紛披幾經夜雨能
無恙試問春風竟不知斜日游蜂應有夢野亭立
馬已多時殷勤却是江南客曾擘冰霜寄一枝

戴良

偶書

自從北渡浣紗溪十載家山入望低失學已憐元
亮子長齋應愧太常妻百年世事醯鷄變一夜鄉

心謝豹啼却向歸途望遼鶴白頭和淚馬

宋金元詩永卷之十三終

宋金元詩永卷之十四目錄



宋金元詩永卷之十四目錄

宋五言排律

魏野 一首

文彥博 一首

司馬光 一首

晁无咎 一首

賀鑄 一首

范成大 一首

陸游 一首

陳與義 一首

曾幾 一首

林希逸 一首

蔡襄 一首

楊大年 一首

周文璞 一首

宋金元詩永
金五言排律

党懷英 一首

蕭 貢 一首

高庭玉 一首

閻長言 一首

元五言排律

丁鶴年 三首

吳 炳 一首

宋七言排律

楊 億 二首

宋 沂 一首

宋金元詩永卷之十四目錄終

宋金元詩永卷之十四

延陵吳 綺園次選

蒲吾崔 華蓮生訂

濟陽 江 闔辰六 較

江 湘文江

宋五言排律

魏 野

上知府寇相公

文武稟全才何人更可陪有官居鼎鼐無地起樓

臺聖主詩方和親王狀始回鎮臨求二陝調燮輟
三台鳳閣須重去龍旗暫擁來下車三度雨上殿
數聲雷未暇瞻珪璧先蒙訪艸萊幾思趨相府恐
懼復徘徊

文彥博

遊東田八韻

文物平津閣風流太傅山勝遊松島外故迹藥園
間霜葍編爲屋寒荆刈作闕窓櫺雲漠漠畦竇水
潺潺蘆渚炊煙起萍漚釣艇還竹經朝雨翠荷借

夕陽殷幽興能招隱高情自愛閒從來行樂處携
手一開顏

司馬光

秋意呈隣幾冲卿

新涼入閭巷舊暑何人掃筠籠賣紅蓮莎堦墜丹
棗蕉衫日以疎紈扇安能好蟬悲西風樹燕亂斜
陽草此意屬淵明籬邊幾樽倒

太行

象帝胚渾散愚公轍迹開橫行四極外蟠據九河

隈第鬱天關近崢嶸地軸回陽崖明草樹陰壑轉
風雷波杳羣峰涌雲奔峭壁來猿崑垂磊落龍窟
鬪喧逐噴雨驚湍洒跳星巨石頽平塗憂展折跬
步戒輪摧覆頂千春雪緣潭萬古苔谷盤憂國士
髓裂餌仙才晉市飛樵札燕郊落燒煤棋圖分冀
野蟻壤認叢臺在昔王塗塞嘗聞霸畧恢嚴關陰
伏甲間道夜銜枚挾詐揮金斗貪功襲墨縑戰場
空嚼火京觀悉蒿萊險易曾何變興亾只可哀隆
平方恃德襟帶自崔嵬

晁无咎

北山道中示公爲

吾方賣劍日汝正抱孫歸昭代無官守平生近釣
磯青山上野艇白水到林扉曬棗日猶烈鳴枝風
已威荒陂民事少迂逕客行稀傷雨蟬知默違霜
雁見幾卜居南縣早收課北窓微行李牧兒識生
涯田叟譏烝嘗了歲事登屨息塵機反舍從爭席
行衢莫振衣潛藏多落莫放浪少歔歛文字陪吾
老功名許汝非

賀鑄

擬溫飛卿

露網朱甍上風簾翠幙前
宿衾熏菡萏朝鏡拂漪漣
津潤銷金筆香依撲粉綿
度闌雙陸子撥恨十三弦
鸚鵡殷勤語旃檀委曲煙
鮫鮪乾玉筋魚鱸限金蓮
團扇歌桃葉烏絲代杏牋
朱門長宵窅白馬自翩翩
難釣三株樹徒拋七寶鞭
酒闌應有待夢破卽無緣
信鵲新秋去孤蟾後夜圓
浪言墻外地的是洞中仙

范成大

十月朔客建鄴不得兄弟上冢之列悲感成詩

歲已看成暮身今未得歸
風塵孤淚盡霜露寸心違
南澗新流水西山舊落暉
煙松應好在宿草定成非
逝水方東去浮雲浪北飛
危魂先自斷不待更沾衣

陸游

出游

八月石帆秋聊爲汗漫遊本因尋友去却有看山
畱小艸題僧壁長吟上驛樓月能從劇飲天可寄
閒愁高下從泉品縱橫記酒籌花開遇門入水長
信船流骯髒人雖棄脂韋我自羞此心君不信試
往問沙鷗

陳與義

晚晴埜望

洞庭微雨後涼氣入綸巾水底歸雲亂蘆叢返照
新遙汀橫薄暮獨鳥渡長津兵甲無歸日江湖送

老身悠悠兼倚杖悄悄自傷神天意蒼茫裏村醪
亦醉人

曾幾

雪中登王正中書閣

對雪誰堪語登樓似欲汕人家脩月戶丈室散花
天峰疊鈎簾外江橫隱几前寒淡落雁渚清集釣
魚舡解病從摩詰消愁得仲宣展書明細字烹茗
濕疎煙月好還同夢詩成已下弦明年倘相憶爲
一到關邊

林希逸

獨釣寒江

一葉孤舟小生涯在釣筒群飛看雁陣獨立是漁翁浪與頭俱白顏因酒暫紅片帆煙渚外瘦影又陽中蓬鬢千莖雪蘆花兩岸風烹鱸吹荻火隔喚喚兒童

蔡襄

登三鄉寺閣

歷覽宜陽道披軒臨朔風境疑塵世外在畫圖

中巖曲疎鐘答村前小約通水煙寒更白山氣曉微紅遊宦真浮梗流年似轉蓬長懷無所寄盡目送歸鴻

楊大年

次韻和光祿黃少卿學士感恩書事十六韻

江夏門風盛東吳族望高才雄吐白鳳志大釣靈

鼈昔日參珠履

嘗任淮海王記室

多年汎碧桃陳琳巧書

檄謝客占風騷曲宴飛三雅沉機佐六韜玳筵頻

岸幘盾鼻幾揮毫託乘同歸闕臨軒別賜袍未離
王儉幕獨得呂虔刀粉署因敷歷朱門更鬱陶淮
南荒桂苑騎省泣霜毛去國踰千里爲郎歷幾曹
和鉛兼秘府懸磬寓神臯室靜秋生白庭閑雨長
蒿禁林俄召試卿寺果垂褒道在心無悶恩深首
重搔依前領圖史紬繹肯辭勞

周文璞

過葛天民新居

爲憶空山雨因嗟短髮霜幅巾終日久侍女古時

粧烏白幾林外丹砂舊井旁不留禪月画只踞淨
名林湖鏡秋容淡雲莊曉露香汲泉須透脉種果
便成行使雀過村店携孥上野航極知秦外史全
似賀知章對佛稱居士翻經悟法王自將詩檢校
猶與竹商量嗟我渾無賴非公不作狂莫移松下
石老子要乘涼

送蜀客

都市今重到文園更倦遊依依返窮峽得得上歸
舟往事淡能憶沉疴久合瘳行經古祠廟酬應舊

山丘梁甫遺馨在降戔殺氣浮白衣猶肯出黃裏
不包羞一聽巴人曲多貽漢璽憂花蒙塵漠漠苑
抱水悠悠蠢爾狂童輩俱爲滅族囚坤維元自正
棧閣未應修管樂誰能並卿雲亦可儔時哉著壽
杌聊以畔牢愁硯硯重關險銷沉萬壘秋堂留石
室盡歌尙竹枝謳寒蜚催逋客啼雞識故侯屈沱
曾角黍岷嶺看牽牛從此多談讌逢誰共勸酬近
前持硯削成列抱筮篋近歲安樞相宣威在益州
君歸如訪謁朝論必咨諏列聖方垂統羣公亦好

修焚燒已郿塢誅殛到驩兜虎豹參差束魍魎次
第投衣冠通海嶠干羽格蠻陬江寇何勞服淮田
亦粗收旌旃仍使傳炮烙任兜鍪玄象摧天狗昌
陵控玉虬嗟嗟凡上肉斷斷幄中籌貢錦資藩輔
緘辭告帝謀聲名與勲烈應逐漢江流

金五言排律

党懷英

夜發蔡口

落霞墮秋水浮光照舡明孤程發晚泊倦楫搖天

宋金元詩集 卷十四
星藹藹野煙合
條條水風生
遠浦浩渺
漭微波澹
彭觥畸鳥
有時起
幽蟲亦宵
征懷役歎
獨邁感物
傷旅情
夜久月
窺席
忼慨心未平

蕭 貢

臨泉道中

半世事行役
茲游初未經
峽門迷白晝
嶺脊上青
冥澗曲
莓苔滑
松盤霧雨溟
登危人跼蹐
涉險馬
竚竚落日
雷行客
投鞭得驛亭
短墻明積雪
破屋
漏疎星
羌笛誰三弄
鷓懷強一聽
葭蘆知不遠
河

外數峰青

高庭玉

柳絮

斷送春歸去
紛飛不暫停
和風三徑雪
微雨一池
萍蝶惹依芳
艸蜂沾過小
庭靜宜投隙
地狂欲攪
青冥得得穿
珠戶時時撲
翠屏黃鶯枝
上語似與
訴飄零

閭長言

婆速道中書事

此地先經戰人生苦未聊泉源疏地脉田隴上山
腰敗石平危徑枯柴補短橋曉烟明遠爨莫雪暗
歸樵履滑心頻悸梯危骨欲消解鞍空倒臥無夢
訖通宵

元五言排律

丁鶴年

逃禪室述懷一十六韻

出處兩茫然低徊每自憐本無經國術仍乏買山
錢故邑三千里他鄉二十年力微歸計杳身遠客

心懸桃李誰家樹禾麻俯舍田鶉衣秋屢結蝸室
歲頻遷逝水終難復寒灰更不燃久要成齟齬多
病復沉綿俯仰衷情倦棲遲野性便延徐誰下榻
訪戴獨回船耻灑窮途泣門脩淨土緣談玄分上
下味道悉中邊有相皆虛妄無才幸苟全棲雲同
白鹿飲露效玄蟬高蹈慙真隱狂歌愧昔賢惟餘
空念在山寺日逃禪

題西圃卷

坐閱桑田變歸爲菽水謀聊從西圃隱少慰北堂

憂汲月滄江曉鋤雲沃野秋新蔬和雨摘碩果帶
霜收嘉樹巢烏鳥閑庭下白鷗管寧金不顧季路
米應求千載誰同調東陵有故侯

送李掾自北回臨省長沙因簡趙宣慰張
徵士呂宗二判官

萬里風沙斷三湘日夜流名成親白首歲暮客扁
舟黃鵠延歸思丹楓替別愁眼穿迴處雁心靜狎
餘鷗細雨黃陵廟殘陽杜若洲漸淡桑梓敬翻畏
友明畱送遠慙羈旅臨分憶舊遊鐘聲徯

影洞庭秋風壤通蠻徼煙霞拂帝丘交歌明月市
傾旆壓雲樓訪菊逢徵士行瓜識故侯爲言憔悴
客敝盡黑貂裘

吳炳

古鏡

雁去悲銀海螭蟠泣鬼工黃腸迷漢柏堊火上秦
蓬濃翠凝螺黛鮮朱潰守宮漆添燈暈黑文滅繡
奩紅一旦珠還浦千年劍出艷霧餘空黯淡雲在
月朦朧伏獸銜絲結蒙絺畫羽虫粉綿施婉轉臺

玉刻玲瓏匪茹曾申誠惟明可保躬他時錫盤饗
來炤夢中熊

宋七言排律

楊億

京師故人有以隴西鸚鵡遺余者因畜養
之去年出守緇雲提挈而至性靈甚慧觸
類能言公退翫之常若不足忽遇疾而逝
因命瘞于小園作詩一章聊以追悼見者
無罪余以貴畜也

隴上秋樹舊巢傾遠向江東逐旆旌去國夢魂應
繚繞入春喉舌漸分明一聲警露何慙雀百轉遷
喬肯讓鶯終日雕籠神不王經年丹嘴色猶輕思
歸悒悒因成疾顧主依依尙有情苑葬小園芳艸
地夜來經雨綠苔生

集賢宿直寄中書李梁二舍人

耿耿銀釭照直廬西風黃葉滿庭除愁心不忍聞
賓鴈病眼猶能拾蠹魚歌枕微吟空展轉遶廊閑
步自躊躇銅龍漏滴傳鈎盾玉兔光茫射綺疏薄

宦久淹滄海郡故交多入紫垣居洛陽已在拜塵
後宣室那逢膝席初投閣寂寥淡自愧抱關憔悴
擬何如寧思西掖五花判且補河東三篋書桑梓
狂拋萬里外蓬萊試住十年餘釋之不調嵇康懶
終待休官學灌蔬

宋沂

送趙御史仲禮之任南臺併柬兼善達公
經歷元載王公用道孔公二御史

天子龍沙拜法官議郎新戴辟邪冠曉辭漠北水

霜重秋到江南草樹寒諫疏頻煩明主聽題詩長
共故人看應怜閭里誅求急尙布朝廷禮意寬幕
下風清鳴一鶚臺端雪霽見雙鸞寥寥渡海三冬
翻燁燁凌空五色翰晉代新亭蒼蘚合梁朝舊寺
土花殘石城慷慨悲哀粲別墅風流憶謝安千里
憑高麾綉斧幾回攬轡金銀鞍諍臣事業須公等
努力明時匪素餐

宋金元詩永卷之十四終

宋全子詩集

卷一

